

**UGOVOR O OSIGURANJU VOZILA  
(KASKO OSIGURANJE)**

Zaključen dana 31-10-2017 godine u Sarajevu, između:

**OSIGURAVAČA:** "EUROHERC OSIGURANJE" d.d. Sarajevo  
Ul. Trg Međunarodnog prijateljstva br. 20  
koga zastupa izvršni direktor Josip Knezović  
(u daljem tekstu: Osiguravač)  
71 000 Sarajevo  
ID broj: 4227015330006

i

**UGOVARAČA OSIGURANJA:** Kanton Sarajevo Stručna služba za zajedničke  
poslove  
Ul. Reisa Džemaludina Čauševića br. 1  
koga zastupa načelnik Fikret Jašarević  
(u daljem tekstu: Osiguranik)  
ID broj: 4200667410006

**Član 1.**

Ugovorne strane su saglasne da je predmet ovog ugovora **kasko osiguranje („ful kasko”) motornog vozila bez franšize i sa uključenim rizikom od krađe**, dijela vozila koje koristi Kanton Sarajevo.

**Član 2.**

Imovina koja se veže za predmet ugovora iz člana 1. ovog Ugovora, osigurava se od osnovnih i dopunskih rizika, a razvrstani su u više grupa-skupina i vrsta osiguranja. Na osnovu registrovanih djelatnosti, osiguravač vrši osiguranje slijedeće grupe-skupine osiguranja:

**A. Kasko osiguranje motornog vozila sa ukupnom osiguranom sumom od 864,97 KM prema ovom ugovoru, a u skladu sa uslovima ponude od 25.10.2017. godine, vrijedi za period od 25.10. do 31.12.2017. godine, i to za vozila kako slijedi :**

- 1. SUZUKI VITARA god.proizvodnje 2017. Broj šasije TSMLYE21S0039039, nabavne vrijednosti od 28.000,00 KM, i kasko osiguranje iznosi 181,44 KM;**
- 2. SUZUKI VITARA god.proizvodnje 2017. Broj šasije TSMLYE21S00327195, nabavne vrijednosti od 28.000,00 KM, i kasko osiguranje iznosi 181,44 KM;**
- 3. SUZUKI VITARA god.proizvodnje 2017. Broj šasije TSMLYE21S00391320, nabavne vrijednosti od 28.000,00 KM, i kasko osiguranje iznosi 181,44 KM;**
- 4. ŠKODA OCTAVIA god.proizvodnje 2017. Broj šasije TMBAJ4NE5J0174077, nabavne vrijednosti od 44.985,00, i kasko osiguranje iznosi 320,65 KM.**

**B. Osiguravač se obavezuje da će za vozilo koje se kasko osigura blagovremeno izdati „polis osiguranja”.**

### **Član 3.**

Obavezno osiguranje vozila plaćat će se prema **važećoj tarifi u skladu sa uslovima ponude od 25.10.2017. godine**, uz potpuno poštivanje rokova registracije vozila u zadatim vremenskim periodima.

Ukupna visina premije kasko osiguranja za gore navedena vozila iznosi:

**864,97 KM**

(slovima: Osamsotinašezdesetčetiri i 97/100 KM),

i ista je usaglašena sa uslovima **ponude od 25.10.2017. godine i koja je prilog ovom ugovoru.**

### **Član 4.**

Osiguranik je dužan da, u skladu sa Uslovima osiguranja, blagovremeno prijavi Osiguravaču sve promjene na vozilima koji su predmet ovog osiguranja i eventualno prijavi eventualne štete na istim, a ukoliko je neophodno i obezbijedi oštećeno vozilo do momenta dolaska ovlaštenog lica Osiguravača radi procjene i likvidacije štete.

### **Član 5.**

Osiguravač se obavezuje da postupa u skladu sa Uslovima osiguranja, ponuđenim uslovima iz ponude i zahtjevima Osiguranika, vezano za nastale promjene na vozilima osiguranika. Također se obavezuje da u skladu sa zakonskim propisima i u primjerenim rokovima izvrši procjenu, likvidaciju i isplatu štete po odštetnom zahtjevu osiguranika, ukoliko za to postoji jasno utvrđen pravni osnov.

### **Član 6.**

Za sva zaključena osiguranja u skladu sa ovim ugovorom, Osiguravač će višak rizika reosigurati, čime se u potpunosti štiti imovina Osiguranika, kao i interesi obje ugovorne strane.

### **Član 7.**

Ovaj ugovor se zaključuje na **određeno vrijeme, počev od 25.10.2017. godine, do 31.12.2017.godine.**

Ugovorne strane su saglasne da ovaj Ugovor može prestati sporazumom ugovornih strana i otkazom bilo kog ugovarača, uz otkazni rok od 30 dana.

Svaka ugovorna strana može u svako doba raskinuti ovaj ugovor u slučaju kršenja odredbi ovog ugovora, bez obaveze poštivanja otkaznog roka.

### **Član 8.**

Osiguranje po ovom Ugovoru obuhvata sve štete koje nastanu u periodu **od 25.10. do 31.12.2017. godine**, za svaku vrstu osiguranja iz člana 2. ovog Ugovora.

Po nastanku štetnog događaja Osiguravač će odmah po prijemu prijave fotografisati (snimiti) oštećenja i sačiniti zapisnik o oštećenjima uz prisustvo ovlaštenog predstavnika Osiguranika.

Naknadu štete Osiguravač će plaćati osiguraniku u roku od **1 (jednog) dana**.

**Član 9.**

Sve izmjene i dopune ovog ugovora vršit će se potpisivanjem "novog ugovora", na način zaključenja osnovnog ugovora.


**Član 10.**

Ugovorne strane su saglasne da sve, eventualne, sporove rješavaju sporazumno, a ako to ne bude moguće pred nadležnim sudom u Sarajevu.


**Član 11.**

Ovaj ugovor stupa na snagu danom potpisivanja, a sačinjen je u četiri (4) istovjetna primjerka od kojih svaka ugovorna strana zadržava po 2 primjerka ugovora.

ZA OSIGURANIKA  
NAČELNIK  
Fikret Jašarević



ZA OSIGURAVAČA  
IZVRŠNI DIREKTOR  
Josip Knezović



Datum: 31-10-2017 godine  
Broj: 17-14-32093-39

Datum: 31.10.2017  
Broj: 173034679